

Na osnovu odredaba Zakona o javnim preduzećima u Federaciji Bosne i Hercegovine («Službene novine F BiH», broj:8/05 i 81/08) i člana 23. stav 1. tačka 19.

Statuta općine Ključ-prečišćeni tekst («Službeni glasnik općine Ključ», broj:10/08 i 3/09), Općinsko vijeće općine Ključ na svojoj VII sjednici, održanoj dana 30.04.2009.godine, donijelo je

O D L U K U

o izmjeni i dopuni Odluke o usklađivanju Odluke o osnivanju Javnog komunalnog preduzeća «RAD» d.o.o.Ključ u skladu sa Zakonom o privrednim društvima i Zakonom o javnim preduzećima

Član 1.

Ovom Odlukom vrši se usklađivanje Odluke o usklađivanju Odluke o osnivanju Javnog komunalnog preduzeća «RAD» Ključ u skladu sa Zakonom o privrednim društvima i Zakonom o javnim preduzećima broj:05-02-464/06 od 10.4.2006.godine (u daljem tekstu: Odluka), te usklađuje organizacija i poslovanje JKP«RAD» d.o.o. Ključ (u daljem tekstu: Društvo) u skladu sa Zakonom o izmjenama i dopunama Zakona o javnim preduzećima u Federaciji BiH («Službene novine F BiH», broj:81/08).

Član 2.

U članu 20. Odluke, stav 1. mijenja se i glasi: »Nadzorni odbor je organ upravljanja i sastoji se od predsjednika i dva člana, , koga imenuje i razrješava Skupština društva».

Član 3.

U članu 21.Odluke alineja 1. i 7. se brišu.
U alineji 6. riječ «profita» se zamjenjuje riječju «dobiti».
U alineji 12. riječ «uviđaja» zamjenjuje se riječju «preporuka».

Član 4.

U članu 25. Odluke stav 1. se mijenja i glasi: «Direktor i uprava društva se bira, imenuje i razrješava, u skladu sa postupkom utvrđenim Statutom».
U istom članu stav 3. mijenja se i glasi: «Za direktora društva može biti imenovano lice koje pored ispunjavanja općih uslova ima najmanje završenu VŠS tehničkog, društvenog ili ekonomskog smjera i 3 godine iskustva u struci i koji nema smetnji za imenovanje određenih Zakonom»

Član 5.

U članu 26.stav 2. alineja 4. Odluke riječi «važećih zakona i propisa o postupku nabavki» zamjenjuju se riječima «Zakona o javnim nabavkama Bosne i Hercegovine» («Službeni glasnik BiH», broj: 49/04,19/05,52/05,94/05,8/06,24/06 i 70/06).
U alineji 5. riječ «profita» zamjenjuje se riječju «dobiti».

Član 6.

U članu 36.stavu 1. alineja 1. Odluke riječi «profita raspoloživog» zamjenjuju se riječima «dobiti raspoložive».

U alineji 2. riječ «neraspoređenih» zamjenjuje se riječima «zakonskih ili statutarnih».

Član 7.

U članu 38.stav 1.alineja 1. Odluke iza riječi «kredite» dodaju se riječi «osim u procesu prestrukturiranja kada preduzeće može izvršiti ulaganje ili dati pozajmicu privrednom društvu isključivo na osnovu odluke Skupštine preduzeća».

U alineji 4. riječi «protivno odredbama važećih zakona o penzijskom i zdravstvenom osiguranju» zamjenjuju se riječima «bez uplate doprinosa u skladu sa važećim zakonskim propisima».

Alineja 8. se mijenja i glasi:

«investiranje iz kratkoročnih sredstava preduzeća, osim kada se radi o odobrenim investicijama prema definiciji datoj u važećim zakonima koji regulišu tu oblast».

Član 8.

U članu 39.stav 1. alineja 5. Odluke riječ «dugovanja» zamjenjuje se riječju «potraživanja».

Iza alineje 5.dodaje se alineja 6. koja glasi: »zaključivanje ugovora o izmirenju dospjelog duga prema javnom preduzeću, pod povoljnijim uslovima, koje utvrđuje Vlada Federacije Bosne i Hercegovine».

Član 9.

Ova Odluka stupa na snagu danom donošenja, a objaviće se u «Službenom glasniku općine Ključ».

Broj:05-02-1032/09
Datum, 11.5.2009.godine

PREDSJEDAJUĆI
OPĆINSKOG VIJEĆA
Fadil Jakupović, s.r.